

# SCRIPTA

---

**Numéro Scripta :** 4762

**Auteur(s) :** Bernard l'Enfant, de Tournedos [particulier]

**Bénéficiaire(s) :** Pont-de-l'Arche, Notre-Dame de Bonport (abbaye)

**Genre d'acte :** charte

**Authenticité :** non suspect

**Datation :** 1233, février

**Action juridique :** vente

**Langue du texte :** latin

## Analyse

Bernard l'Enfant, de Tournedos, vend aux religieux de Bonport le gord Morel, sis audit lieu de Tournedos.

## Tableau de la tradition

### Éditions principales

a. Andrieux Jules, *Cartulaire de l'abbaye royale de Notre-Dame de Bon-Port de l'ordre de Cîteaux au diocèse d'Évreux*, Évreux, Hérissé, 1862, n° LXXXIII, p. 82-83.

Texte établi d'après a

Sciant omnes, presentes et futuri, quod ego Bernardus Infans de Tornedos, cum assensu et voluntate Nicholai, filii mei, vendidi et omnino reliqui, et hac presenti carta confirmavi monachis ecclesie Beate Marie de Bono Portu, et successoribus suis, unum gordum quem habebam apud Tornedos, qui dicitur Gordus Morelli, quem de eisdem monachis tenebam per duos solidos redditus annualis. Tenendum et habendum eisdem monachis et successoribus suis, libere, quiete et pacifice, et jure hereditario in perpetuum possidendum, salvo jure dominico. Et ego, et heredes mei, eisdem monachis et successoribus suis dictam venditionem contra omnes gentes defendere et garantizare tenemur. Et pro ista venditione firmiter prosequenda, dictis monachis donavi in contraplegium unam acram terre quam habeo in insula ante Tornedos, in feodo Hyberti de Abbatia, sitam inter terram Odonis Pigueri, ex una parte, et terram Lafamie de Landemare, ex altera, quam expendere non possem sine licentia dictorum monachorum. Hanc autem venditionem et conventionem ego Bernardus Infans et jam vocatus Nicholaus, filius meus, incoactus, dictis monachis et successoribus suis, super sacrosancta Dei verba juravimus, et propriis manibus fiduciavimus tenendam et firmiter observandam. Et pro ista venditione dederunt mihi dicti monachi triginta solidos turonensium. Quod ut ratum et stabile permaneat, hanc presentem cartam sigilli mei munimine confirmavi.

Actum anno Domini M° CC° XXX° secundo, mense februarii.

Hujus rei testes sunt : Dominus Ricardus Barre, tunc presbiter de Tornedos ; Willelmus Levreus ; Vivianus Levreus ; Willelmus Dex le set ; Willelmus Blanchart, vetus, et Willelmus, filius ejus ; Radulfus, sutor, et plures alii.